

HAR KUNING NAVRO'Z BO'LSIN, JONAJON O'ZBEKISTONIM!



Fidoyilik —
Vatanga xizmat demak!

2023-yil 18-mart, shanba,
33-34 (23.754-23.755)-son

Navro'z
hammamizga
insoniylik,
mehr-oqibat va
bag'rikenglik
fanidan saboq
beradi.

Sh.MIRZIYOYEV.

1913-yil aprel oyidan chiqa boshlagan



www.zarnews.uz https://www.facebook.com/zarnews.uz @zarnews_uz https://twitter.com/zarnews_uz

OKRUG KOMISSIYASI TARKIBIGA NOMZODLAR TAVSIYA ETILDI

17-mart kuni xalq deputatlari viloyat Kengashining sakson uchinchi sessiyasi bo'lib o'tdi. Sessiyani Kengash kotibiyati mudiri Z.Karimov olib bordi.

Dastlab viloyatda asosiy turdagi oziq-ovqat mahsulotlarini kafolatli yetkazib berish va narxlar barqarorligini ta'minlash bo'yicha belgilangan vazifalar yuzasidan "Yo'l xaritasi"ni tasdiqlash to'g'risidagi masala ko'ridi. Ta'kidlanishicha, 2023-yil hosili uchun asosiy maydonlarning 35,4 ming gektariga kartoshka, 7,8 ming gektariga piyoz, 6,9 ming gektariga sabzi, 15 ming gektariga moyli, 19,7 ming gektariga ozuqa ekinlari ekish belgilangan. Natijada asosiy maydonlarda 646,3 ming tonna kartoshka, 211,5 ming tonna piyoz, 144,1 ming tonna sabzi, 22,7 ming tonna moyli ekinlar, 336,9 ming tonna ozuqa mahsulotlari yetishtirildi.

"Yo'l xaritasi"da 2023-yilda qoramol, qo'y va parranda go'shti hamda tuxum yetishtirishni tashkil etish bo'yicha belgilangan ishlar ham ma'lum qilindi. Jumladan, fermer xo'jaliklari va qishloq xo'jaligi korxonalarida yirik shoxli qoramol bosh sonini 1 million 886,6 ming boshga, qo'ylar sonini 2 million 628,0 ming boshga, tuxum yo'nalishidagi parranda sonini 7 million 780 ming boshga, go'sht yo'nalishidagi parranda sonini 6 ming 734 ming boshga (102 foiz) yetkazish belgilangan. Natijada barcha toifadagi xo'jaliklarda 323,9 ming tonna tirik vaznda go'sht, 1,4 million tonna sut, 1 milliard 448,8 million dona tuxum ishlab chiqarish ta'minlanadi.

Deputatlar viloyatda asosiy turdagi oziq-ovqat mahsulotlarini kafolatli yetkazib berish va narxlar barqarorligini ta'minlash bo'yicha belgilangan vazifalar yuzasidan "Yo'l xaritasi"ni tasdiqladi.

Sessiyada O'zbekiston Respublikasi referendumini o'tkazuvchi 7-Samarqand okrugi komissiyasi a'zolariga nomzodlar tavsiya etildi.

Oliy Majlis Qonunchilik palatasining 2023-yil 10-martdagi hamda Senatning 14-martdagi qarorlariga ko'ra, 2023-yil 30-aprel kuni O'zbekiston Respublikasi Konstitutsiyasi to'g'risida gi Konstitutsiyaviy qonun loyihasi bo'yicha O'zbekiston Respublikasi referendumini o'tkaziladi.

O'zbekiston Respublikasi Markaziy saylov komissiyasining 2023-yil 16-mart kuni o'tkazilgan majlisida referendumni o'tkazish uchun Qoraqalpog'iston Respublikasi, viloyatlar va Toshkent shahri chegarasi doirasida 14 ta referendum okrugi tuzish to'g'risida qaror qabul qilindi.

Referendumga doir qonunchilik ko'ra, referendum o'tkazuvchi okrugi komissiyasi a'zolari Qoraqalpog'iston Respublikasi Jo'qorg'i Kengesi, xalq deputatlari viloyatlar va Toshkent shahar Kengashlari tavsiyasi asosida Markaziy saylov komissiyasi tomonidan tasdiqlanadi.

Shundan kelib chiqib, referendum o'tkazuvchi 7-Camarqand okrugi komissiyasi tarkibiga saylovga hamda referendumlarga tayyorgarlik ko'rish va ularni o'tkazish borasida ish tajribasiga ega bo'lgan, aholi o'rtasida obro'-e'tibor qozongan fuqarolar orasidan komissiya raisi, o'rinbosari, kotibi va 18 nafar a'zo nomzodi deputatlar tomonidan ma'qullandi.

Bu haqdagi qaror O'zbekiston Respublikasi Markaziy saylov komissiyasiga taqdim etiladi.

Sessiyada muhokama etilgan masalalar yuzasidan qarorlar qabul qilindi.



NAVRO'Z – QADRIYAT, YOSH AVLODGA MEROS

Qo'shrabot tumanida Navro'z munosabati bilan o'tkazilgan tadbir har yilgidan-da ko'tarinki ruhda tashkil etildi. Qirg'ovul qishlog'ida yashil maysalar bilan qoplangan qir-adirlar bag'rida bo'lib o'tgan sayilda milliy urf-odatlarimiz, an'analarimiz aks etgan ko'rgazmali chiqishlar, sport musobaqalari, mushoiralar, taniqli san'atkorlarning kuy-qo'shiqlari to'planganlariga chinakam bahoriy kayfiyat ulashdi. Uloq-ko'pkari musobaqasi yur-timizning turli viloyatlarini, hatto qo'shni mamlakatlar chavandozlarini bir joyga jamladi.

Ko'pkari mard yigitlar o'yini, - deydi mehnat faxriysi Tilov Omonov. - To'g'risi, orada ko'p yillar bu musobaqa o'tkazilmay qo'ygandi. Keyingi yillarda mamlakatimizda ot sportiga, xususan, ko'pkariga alohida e'tibor qaratilyapti. Bu galgi o'tkazilgan musobaqada turli hududlardan, har xil millat vakillari qatnashgani bilan ahamiyatli bo'ldi. Ko'pkarida qatnashish istagida kelgan mehmonlar xushmuomalalik bilan kutib olindi, qo'noqlar tashkil qilindi. Bayram tadbiri doirasida ijtimoiy

ko'makka muhtoj oilalarning 20 nafar farzandi uchun xatna to'ylari o'tkazildi, ularga sovg'alar ulashildi. Navro'z Nurobod tumanida ham keng nishonlandi. Tuman markazidagi "Mehnat" o'yingohida o'tkazilgan bayram tadbirida milliy taomlar ko'rgazmasi, xalq o'yinlari, baxshilar va folklor jamoalarining chiqishlari namoyish etildi. Bugungi kunda yosh avlod ko'proq telefondagi o'yinlarga qiziqadi, - deydi Lutfiya Safarova. - Happak, makmak, chillak, podato'p va boshqa shu kabi qa-

dimiy o'yinlarimiz deyarli unutilib ketyapti. Bu o'yinlarda ishtirok etgan kishi ham ruhan, ham jismonan kuch oladi. Ularning inson salomatligi uchun ahamiyati katta. Navro'z bayrami shu kabi foydali o'yinlarni avloddan avlodga meros qoldirish uchun xizmat qiladigan qutlug' bayram. Yangilanish va yasharish bayrami - Navro'z tantanalari viloyatimizning boshqa hududlarida ham ko'tarinki kayfiyatda davom etyapti.

To'liq SIDDIQOV.

YANGILANAYOTGAN KONSTITUTSIYA

Munosabat

sud-huquq sohasidagi islohotlar natijalarini huquqiy mustahkamlaydi

Oliy Majlis Qonunchilik palatasining shu yil 10-martda bo'lib o'tgan majlisida "O'zbekiston Respublikasi Konstitutsiyasi to'g'risida"gi O'zbekiston Respublikasi Konstitutsiyaviy qonuni loyihasi qabul qilindi.

Unga ko'ra, amaldagi Konstitutsiyaga 27 ta yangi modda kiritilmoqda, moddalar soni 128 tadan 155 taga oshmoqda, Konstitutsiyamizning amaldagi 275 ta normasi 434 taga ko'paymoqda, ya'ni Konstitutsiyamiz 65 foizga yangilanmoqda.

Xususan, mulk daxlsizligi va u bilan bog'liq huquqlarning ta'minlanishi davlat tomonidan kafollatlanishi, mulkiy huquqlarni cheklash faqat sud qarori asosida bo'lishi mustahkamlanmoqda.

Bundan tashqari, advokaturaga bag'ishlangan alohida bobning kiritilishi sud hokimiyati, prokuratura organlari qatorida odil sudlovning muhim tarkibiy qismi sifatida advokaturaning huquqiy maqomi belgilanishiga xizmat qiladi.

Yangilanayotgan Konstitutsiyamizda "Inson huquq va erkinliklarini ta'minlash - davlatning oliy maqsadidir", degan norma belgilanmoqda.

Ushbu maqsadga erishish uchun insonning sha'ni va qadr-qimmatini daxlsizligi, davlat organlari tomonidan huquqiy ta'sir choralarini mutanosiblik prinsipiga asoslanishi va qonunlarda nazarda tutilgan maqsadlarga erishish uchun yetarli bo'lishi kerakligi belgilanmoqda.

Aybsizlik prezumpsiyasi yanada kuchaytirilmoqda. Jumladan, Konstitutsiyamizning amaldagi 26-moddasida shaxsning ishi sudda ko'rib chiqilib, uning aybi aniqlanmaguncha u aybdor hisoblangan bo'lsa, endilikda sudning qonuniy qismi sifatida advokaturaning huquqiy maqomi belgilanishiga xizmat qiladi.

Yangilanayotgan Konstitutsiyamizda "Inson huquq va erkinliklari kafolati eng ilg'or xalqaro standartlarga muvofiq kuchaytirilmoqda. Xususan, shaxsning sud qarorisiz 48 soatdan ortiq muddat ushlab turilishi mumkin emasligi, ushbu muddat ushlab turish qonuniyligi va asosligi sudda isbotlanmasa, shaxs darhol ozod qilinishi" (Xabeas corpus) instituti) hamda shaxsni ushlab turish chog'ida uning huquqlari va ushlab turilishi asoslari unga tushunarli tilda tushuntirilishi kerakligi ("Miranda qoidalar"), shuningdek, ayblanuvchi va sudlanuvchilarga o'ziga qarshi ko'rsatma bermaslik, ya'ni "sukut saqlash" huquqi belgilanmoqda. Ushbu qoidalar shaxsiy erkinlik daxlsizligini va insonlarni noqonuniy hibsga olishga yo'l qo'ymaslikni kafollatlaydi.

Ik marotaba yozishmalar, telefon orqali so'zlashuvlar, pochta, elektron xabarlar va boshqa xabarlarini sir saqlash huquqi faqat sudning qaroriga asosan cheklanishi mumkinligi belgilanmoqda. Ya'ni, hozirgi vaqtda ushbu vakolat prokurorga tegishli bo'lib, uning sudlarga o'tkazilishi shaxs daxlsizligi va konstitutsiyaviy huquqlarini ta'minlashda tub burilish bo'ladi.

Shaxs qarindoshlarining sudlanganligi asosi bilan huquqlari cheklanishi mumkin emasligi qat'iy belgilanishi inson o'zining yaqinlari yo'l qo'ygan xatolar uchun javob bermasligini ta'minlaydi.

Qonunda sud hokimiyatining chinakam mustaqilligini ta'minlash maqsadida Sudyalar oliy kengashining barcha a'zolarini Senat tomonidan saylash tizimini kiritish taklif etilmoqda.

Shuningdek, odil sudlovga erishish darajasini oshirish va sudyalarda mustaqilligini ta'minlashga qaratilgan qoidalar kiritilmoqda.

Sudyalarning boshqa organlar va shaxslardan xoli bo'lishini ta'minlash maqsadida sudyalarda muayyan ishlar bo'yicha hisobdor bo'lmisligi qat'iy o'rnatilmoqda.

Bundan tashqari, sudning qayta tashkil etilishi yoki tugatilishi sudyani lavozimidan ozod etish uchun asos bo'lmisligi belgilanmoqda.

Sud hokimiyatining chinakam mustaqilligini ta'minlash maqsadida sudlar faoliyatini moliylashtirish faqat davlat budjetidan amalga oshirilishini kafolatlovchi yangi modda kiritilmoqda.

Bu kabi yangilik va o'zgarishlar orqali keyingi yillarda yurtimizda amalga oshirilgan sud-huquq islohotlari natijalari konstitutsiya darajasida mustahkamlanmoqda.

Bekzod JUMABOYEV,
jinoyat ishlari bo'yicha Samarqand shahar
sudi raisining o'rinbosari.



NURONIYLAR BOR JOYDA TOTUVLIK BO'LADI

Samarqand shahridagi Qurolli Kuchlar kichik mutaxassislarini tayyorlash markazida nuroniylar, nafaqadagi harbiylar va yoshlar ishtirokida uch avlod uchrashuvi tashkil etildi.



Tadbirida "Nuroniylar" jamg'armasi respublika boshqaruvi raisi Sodiqjon Turdiyev so'zga chiqib, keksa avlod vakillarining jamiyatdagi o'rni, ular tomonidan joylarda olib borilayotgan ishlar haqida to'xtaladi. - Nuroniylar bor joyda totuvlik, tartib-intizom va mehr-oqibat bo'ladi, - dedi S.Turdiyev. - Katta hayot tajribasiga ega otaxon onaxonlar bugun mahallaning yuzi, ularning ibratli hayoti, olib borayotgan ishlari yoshlarga o'rnatq. Biz, nuroniylar birlashib, bu faollikni davom ettirsak, yoshlarning dunyoqarashi kengayadi va sog'lom fikrli avlodlar bo'lib ulg'ayadi.

Tadбир davomida faol nuroniylar va nafaqadagi harbiylarning xizmatlari e'tirof etilib, tashkilotchilar tomonidan esdalik sovg'alari topshirildi.

F.FAXRIDDINOV.

BUGUN MAMLAKATIMIZDA UMUMXALQ XAYRIYA HASHARI O'TKAZILADI



Ulug'bekning tug'ilishi ko'plab insonlar hayotini saqlab qolgan

Mirzo Ulug'bek buyuk o'zbek astronomi va matematigi, davlat arbobi sifatida tarixda nom qoldirdi. Uning eng buyuk ishi – Samarqand ilmiy maktabini, o'sha davr akademiyasini barpo etgani edi. Quyida Mirzo Ulug'bek hayoti va faoliyatiga oid ayrim qiziqarli faktlar keltirildi.

Amir Temur 1394-yilda Iroqdagi Mordin qal'asini qamal qiladi. Shu vaqtda Sohibqironning Sultoniyadagi qarorgohida Ulug'bek tug'iladi. Tarixchi Sharafuddin Ali Yazdiyning "Zafarnoma" asarida yozilishicha, Amir Temur huzuriga chopar kelib, Ulug'bekning tug'ilgani va munajjimlar bu bola kelajakda buyuk inson bo'lishini bashorat qilganlari xabarini yetkazadi. Sohibqiron xursandligidan Mordin qal'asi qamalini to'xtatib, uning xalqiga yuklangan to'lovni bekor qiladi.

22-mart – Mirzo Ulug'bek tavallud topgan kun

O'N BESH YOSHLI ULUG'BEK BOBOSI TEMURNING SAMARQANDDAGI TAXTIGA O'TIRGAN

Xuroson hokimi, Amir Temurning to'rtinchi o'g'li Shohruh 1409-yilda temuriylar davlatining oliy hukmdori sifatida e'tirof etilgach, qo'lga kiritilgan Movarounnahrni Turkiston viloyati bilan birga idora etishni Ulug'bekka topshirib, Sohibqiron vasiyatini qayta tikladi. O'smir yoshdagi Ulug'bek bu hududlarni dastlab Shohmalik yordamida boshqargan bo'lsa, 19 yoshidan Movarounnahrni mustaqil idora etishga kirishdi. Ulug'bek o'z hukmronligi davomida ikki marta yirik harbiy yurish qildi.

BOBOSI SOHIBQIRON SAG'ANASIGA NEFRIT QABRTOSH QO'YDIRGAN

Samarqanddagi Amir Temur maqbarasiga temuriylar sulolasiga mansub kishilar dafn etilgan. Ziyoratxona yuqorisi (to'ri)da Temurning piri Mir Sayyid Baraka, uning oyoq tomonida Amir Temur dafn qilgan. Sohibqiron sag'anasiga qo'yilgan ko'k nefrit qabrtoshini Ulug'bek Mo'g'ulistonga qilgan yurishi vaqtida olib kelgan. Toshda Amir Temurni ulug'laydigan so'zlar, uning shajarasi hamda marsiyalar o'ymakori yozuvlarda bitilgan. Keyinchalik Ulug'bekning o'zi ham shu yerga dafn etilgan.

BIBIXONIM JOME' MASJIDIGA ULKAN LAVH O'RNATIRGAN

Amir Temur Bibixonimga atab qurdirgan Bibixonim jome' masjidi hovlisi o'rtasida marmartoshdan yasalgan ulkan lavh – Qur'on o'qiladigan maxsus kursi bo'lib, u dastlab asosiy bino ichida turgan (1875-yilda hovli o'rtasiga chiqarib qo'yilgan). Lavh Ulug'bek farmoniga binoan XV asr o'rtalarida yasalgan. Unga "Sulton azim, oliy himmatli xoqon, din-diyonat homiysi, Xanafiya mazhabining posboni, aslzoda sulton, ibni sulton, amiri mo' minin Ulug'bek Ko'ragon", deb bitilgan.

SULTON BO'LSA-DA, TALABALARGA DARS BERGAN

Mirzo Ulug'bek Samarqandda ikkita madrasa barpo etgan va boshqa yirik olimlar qatorida o'zi ham bu madrasalarda haftada bir marotaba ma'ruza o'qigan. Boshqa vaqtini ko'proq astronomik kuza-tishlarga, "Zij" ustida ishlashga va davlat ishlariga bag'ishlagan. Yaqin yillargacha u faqat astronom va matematik deb hisoblanardi. Lekin XX asr oxirida uning ijodi serqirra bo'lib, tarix, she'riyat va musiqa bobida ham qalam tebratgani aniqlandi. Ulug'bek she'rilar ham yozgan.

ULUG'BEKNING XAZINASINI UNING SHOGIRDI SAQLAB QOLGAN

Ulug'bek vafotidan so'ng uning Samarqanddagi 15 ming kitobdan iborat mashhur kutubxonasi xavf ostida qoladi. Kutubxonani "o'z davri-ning Ptolomeyi" nomini olgan Ali Qushchi saqlab qolgan, degan taxminlar bor. Rivoyatlarga qaraganda, kutubxonadagi kitoblarning ko'p qismini Ali Qushchi Samarqand yaqinidagi Hazrat Bashir qishlog'iga ko'chirgan. Ko'p o'tmay, ta'qiblardan qochib, Samarqanddan chiqib ketishga majbur bo'lgan.

TA'LIMNING SIFATI

muallimning obro'si va salohiyati bilan o'lchanadi

Bu xulosani shu sohadagi qariyb qirq yillik faoliyatim-ga tayanib aytayman. Davr, tizim, siyosat o'zgarishi mumkin, lekin ta'limga oid talablar o'zgarmaydi. Tarbiya ko'rmagan bolada ilm olishga ishtiyoq bo'lmaydi, o'qituvchi o'quvchiga tushuntirishigina emas, uni ishontira olishi ham zarur, muallim qadrlanmagan joyda ta'lim sifatidan umid qilim, va hakoza.

Kamina mustaqillik yillarida ta'limda bo'lgan o'zgarishlar, xatolar va yutuqlarni tahlil qilishdan yiroqman. Chunki bu haqda gapirmagan odam qolmadi. Qolaversa, davlatimiz rahbari keyingi yillarda deyarli har bir chiqishi va muloqotida mamlakatimizdagi ta'lim tizimi holatini atroflicha tahlil qilib, yangi vazifalarni belgilab berayotir. Quvonchlisi shundaki, u kishi sohadagi og'riqli nuqtalarni ko'rsatib, oqilona yechimlarni ham taklif etayotir va bu takliflarni ro'yobga chiqarishga bosh-qosh bo'lmoqda.

Keling, keyingi 5-6 yil ichida ta'limda yuz bergan o'zgarishlarni bir eslab o'taylik. Avvalo, akademiklar qadri qaytarildi, ota-onalar istagi bilan maktablar 11 yillik tizimga o'tdi, oliy ta'limga o'qishga kirishdagi poraxo'rlikka barham berildi, bitiruvchilarning oliy o'quv yurtiga o'qishga kirish ko'rsatkichi 9 foizdan 33 foizga yetdi, xorijiy tillarni o'rganish uchun mislsiz imtiyozlar yaratildi, maktablar uchun ularning bitiruvchilarining oliy o'quv yurtlariga kirishi asosiy mezon qilib qo'yildi, Prezident maktablari, ijod maktablari, ixtisoslashgan maktablar ochildi, umumiy ta'lim jarayonida hunar o'rganishga imkoniyat yaratildi. Muhimi, muallimlar qadri oshdi, maoshi ko'tarildi...

Bunday o'zgarishlar bizning ta'limga bo'lgan nuqtai nazarimizni o'zgartirdi. Xususiy maktab va maktabgacha ta'lim bizning yoshlar iqtidorli ekanligini ko'rsatdi.

Prezident Sh.Mirziyoyev ana shu jarayon natijasiga qarab, oldimizga



Uchinchi Renessans tamal toshini qo'yish vazifasini qo'ydi. Zero, bu olijanob maqsad xalqimizning an'analariga, ilmga ishtiyoqi va zakovatiga, qisqa muddatda erishgan natijalarimizga katta ishonch deb bilaman. Binobarin, o'quvchilarning xalqaro miqyosda ta'lim sohasida erishayotgan yutuqlari ham fikrimizni isbotlab turibdi.

Maktab har qanday holatda ham ta'limning o'chog'i, markazi hisoblanadi. Aynan shu yerda ma'rifat, tajriba shakllanadi, aynan shu maskanda farzandlarimizning fazilatlarini, ilmga intilishi paydo bo'ladi, hayotga tayoriyat yaratiladi. Muhimi, muallimlar qadri oshdi, maoshi ko'tarildi...

Bizda yaxshi maktablar ko'p. Bu maktablarda ilg'or tajribalar, yaxshi

ijtimoiy muhit shakllanib, o'quvchilar bilim olishda katta yutuqlarga erishyapti. Afsuski, hali hamma maktablarda ham ko'ngildagidek muhit yaratolmaymiz. Nazarimda, bu dolzarb ish eng katta vazifa hisoblanadi. Avvalo, maktabga rahbar (direktor, direktor o'rinbosari) tayinlashda xolislik, ochiqlikka erishish lozim. Toki, jamoa rahbari o'zi tanlab olsin. Direktor va uning o'rinbosari vazifa taqsimoti aniqlanishi va ular maktabdagi holat uchun o'z mas'uliyati doirasida javob berishi zarur. Bu o'rinda oshkorlik muhim ahamiyatga ega, ya'ni dars taqsimoti, ustamalar va boshqa rejalar ijrosi ochiq muhokama etilishi, har kimga tegishli baho berib borilishi kerak, deb hisoblayman. Direktor va uning o'rinbosari jamoa oldida mavridi bilan hisob berib borishi kerak.

Tajribalar shuni ko'rsatayptiki, muallim maktabning mavqeini belgilab beradi. To'g'ri, maoshning oshishi, ortiqcha tashvishlardan xalos bo'lishi o'qituvchini rag'batlantiradi. Ammo ta'lim sifati faqat shungagina bog'lanib qolmagan. Bu yerda o'qituvchi mas'uliyati ham bor. Mas'uliyat esa faqat talab qilish orqali oshib boradi. Demak, biz muallimni o'z ustida ishlashga, darsga puxta hozirlik ko'rish va mashg'ulotlarni ta'sirli o'tishga ham o'rgatishimiz, undashimiz zarur. Toki, u o'z yutuq va kamchiliklarini o'z vaqtida bilib borsin. Dars jarayoni, o'quvchilar munosabati muallim faoliyatini baholashning eng maqbul usulidir. Shunday ekan, aynan shu jarayonlar maktabda ochiq bo'lishi zarur. Turli reytinglarni belgilashda ham muallimlar fikri hisobga olinishi kerak.

Saidahmad USMONOV, pedagogika fanlari nomzodi, viloyat hokimining xalq ta'limi masalalari bo'yicha maslahatchisi.

SAMARQAND VILOYATI AVTOMOBIL YO'LLARI HUDUDIY BOSHQARMASI

azaliy qadriyatlarimiz va an'analarimiz timsoli –

Navro'zi olam

bilan barcha yurtdoshlarimizni tabriklaydi.



Qutlov, reklama

PAST DARG'OM TUMANI TIBBIYOT BIRLASHMASI JAMOASI



*Barcha hamyurtlarimizni
yangilanish va yasharish bayrami –*

NAVRO'ZI OLAM

bilan tabriklaydi.

*Xonadoningizga
tinchlik-osoyishtalik,
fayzu baraka tilaymiz!*



PAST DARG'OM TUMANI XALQ TA'LIMI BO'LIMI JAMOASI

bunyodkor xalqimizni

NAVRO'Z

bilan qutlaydi.

*Mustahkam sog'lik, yaxshi kayfiyat
doimiy hamrohingiz bo'lsin!*



"SAMARQAND KAMALAK INVEST TEKSTIL"

MAS'ULIYATI CHEKLANGAN JAMIYATI JAMOASI

viloyatimiz ahlini

NAVRO'Z

bilan samimiy tabriklaydi.

*Sharqona yangi yil xonadoningizga quvonch va
shodlik, qut-baraka olib kelsin!*




SAMARQAND DAVLAT TIBBIYOT UNIVERSITETI MA'MURIYATI VA KASABA UYUSHMA QO'MITASI

barcha yurtdoshlarimizni

Navro'z bayrami

bilan qutlaydi.



"TEMIR YO'L DEHQON BOZORI"

MAS'ULIYATI CHEKLANGAN JAMIYATI JAMOASI

*jonajon yurtimiz xalqini yangilanish va
yasharish ayyomi -*

Navro'zi olam

bilan samimiy tabriklaydi.

*Qalbingizdan quvonch, yuzingizdan
tabassum arimasin, azizlar!*



Xizmatlar litsenziyalangan.


"URGUT SAVDO KOMPLEKSI"

MAS'ULIYATI CHEKLANGAN JAMIYATI JAMOASI

barcha hamyurtlarimizni milliy bayramimiz -

Navro'z

bilan tabriklaydi.



Xizmatlar litsenziyalangan.



“SHYOLKOVO AGROXIM - O'ZBEKISTON”
ROSSIYA-O'ZBEKISTON QO'SHMA KORXONASI

qishloq xo'jaligi sohasida mehnat qilayotgan hamkorlarini hamda barcha yurtdoshlarimizni bahor va yangilanish bayrami –

NAVRO'Z
bilan tabriklaydi.

Mahsulotlar sertifikatlangan.

O'ZBEKISTON KASABA UYUSHMALARI FEDERATSIYASINING
SAMARQAND VILOYATI KENGASHI

barcha yurtdoshlarimiz hamda hamkasblarini

NAVRO'Z BAYRAMI
bilan qutlaydi.



“O'ZTEMIRYO'LYO'LOVCHI”
AKSIYADORLIK JAMIYATI SAMARQAND FILIALI

barcha yurtdoshlarimizni

NAVRO'Z BAYRAMI
bilan muborakbod etadi.



Xizmatlar litsenziyalangan.

DA'VOLAR BO'LSA...

Samarqand shahrida xususiy amaliyot bilan shug'ullanuvchi notarius Ismoilova Shahlo Bahriloyevna notarial idorasida marhum Mavlyanov Sabaatga (2012-yil 15-iyulda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Ismoilova Shahlo Bahriloyevna notarial idorasiga murojaat etishlarini so'raymiz.
Manzil: Samarqand shahri Abdurahmon Jomiy ko'chasi, 17-uy.

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Djabbarova Saida Saliyevnaga (2017-yil 13-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.
Manzil: Samarqand shahri Mirzo Ulug'bek ko'chasi, 80-uy.

Samarqand shahrida xususiy amaliyot bilan shug'ullanuvchi notarius Saidova Zarina Xisravovna notarial idorasida marhum Xalilova Linera Ametovnaga (2022-yil 7-mayda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Saidova Zarina Xisravovna notarial idorasiga murojaat etishlarini so'raymiz.
Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Djemilov Seitvan Seitbragimovichga (2016-yil 14-martda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.
Manzil: Samarqand shahri Mirzo Ulug'bek ko'chasi, 80-uy.

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Xotamova Ofiyatga (1992-yil 23-mayda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.
Manzil: Samarqand shahri Mirzo Ulug'bek ko'chasi, 80-uy.

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Xotamova Ofiyatga (1992-yil 23-mayda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.
Manzil: Samarqand shahri Mirzo Ulug'bek ko'chasi, 80-uy.

Samarqand shahrida xususiy amaliyot bilan shug'ullanuvchi notarius Saidova Zarina Xisravovna notarial idorasiga murojaat etishlarini so'raymiz.
Manzil: Samarqand shahri Abdurahmon Jomiy ko'chasi, 64-uy.

Samarqand tumanida xususiy amaliyot bilan shug'ullanuvchi notarius Davronov Mahmud Hasan o'g'li notarial idorasida marhum Lutfullayeva Gulzaraga (2021-yil 6-sentabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Davronov Mahmud Hasan o'g'li notarial idorasiga murojaat etishlarini so'raymiz.
Manzil: Samarqand tumani Oqmachit mahallasi.

Bulung'ur tumanida xususiy amaliyot bilan shug'ullanuvchi notarius Abdurahmonov Elyor Jamshidovich notarial idorasida marhum Shamsiyev Murodullaga (2019-yil 15-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Abdurahmonov Elyor Jamshidovich notarial idorasiga murojaat etishlarini so'raymiz.
Manzil: Bulung'ur shahri Mustaqillik maydoni.

Samarqand shahrida xususiy amaliyot bilan shug'ullanuvchi notarius Bahromova Feruza Zoirovna notarial idorasida marhum Nurmuxamedov Axmatga (2017-yil 6-mayda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Bahromova Feruza Zoirovna notarial idorasiga murojaat etishlarini so'raymiz.
Manzil: Samarqand shahri Amir Temur ko'chasi, 108-uy.

Samarqand shahrida xususiy amaliyot bilan shug'ullanuvchi notarius Ahmedova Farangiz Aslamovna notarial idorasida marhum Bazarov Nizomga (2003-yil 15-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Ahmedova Farangiz Aslamovna notarial idorasiga murojaat etishlarini so'raymiz.
Manzil: Samarqand shahri Lutfiy ko'chasi, 80-uy.

Payariq tumanida xususiy amaliyot bilan shug'ullanuvchi notarius Ashurova Dilafuz Ziyodullayevna notarial idorasida marhum Yalg'ashev Esirgagga (2022-yil 11-avgustda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Ashurova Dilafuz Ziyodullayevna notarial idorasiga murojaat etishlarini so'raymiz.
Manzil: Payariq tumani Chelak shaharchasi, Istiqlol ko'chasi, 110-uy.

Samarqand shahrida xususiy amaliyot bilan shug'ullanuvchi notarius Xodjayev Farrux Farxodovich notarial idorasida marhum Sheraliyev Muxamadi Irgashovichga (2021-yil 22-oktabrda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Xodjayev Farrux Farxodovich notarial idorasiga murojaat etishlarini so'raymiz.
Manzil: Samarqand shahri Chuqur yo'li ko'chasi, 9-"B" uy.

Payariq tumanida xususiy amaliyot bilan shug'ullanuvchi notarius Muhammadiyev Farhod Jo'raqulovich notarial idorasida marhum O'roqov Sunnat Erijitovichga (2022-yil 1-oktabrda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Muhammadiyev Farhod Jo'raqulovich notarial idorasiga murojaat etishlarini so'raymiz.
Manzil: Payariq tumani Chelak shaharchasi, Istiqlol ko'chasi, 73-uy.

Samarqand shahrida xususiy amaliyot bilan shug'ullanuvchi notarius Ismoilova Shahlo Bahriloyevna notarial idorasida marhum Uzakov Mirkomil Soliyevichga (2021-yil 6-aprelda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Ismoilova Shahlo Bahriloyevna notarial idorasiga murojaat etishlarini so'raymiz.
Manzil: Samarqand shahri Abdurahmon Jomiy ko'chasi, 17-uy.

Payariq tumanida xususiy amaliyot bilan shug'ullanuvchi notarius Muhammadiyev Farhod Jo'raqulovich notarial idorasida marhum HAITOV G'AYBULLA AKBUTAYEVICHGA (2004-yil 1-avgustda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Muhammadiyev Farhod Jo'raqulovich notarial idorasiga murojaat etishlarini so'raymiz.
Manzil: Samarqand shahri Abdurahmon Jomiy ko'chasi, 17-uy.

Samarqand shahrida xususiy amaliyot bilan shug'ullanuvchi notarius Saidova Zarina Xisravovna notarial idorasida marhum Aliyeva Tatyana Borisovnaga (2020-yil 28-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Saidova Zarina Xisravovna notarial idorasiga murojaat etishlarini so'raymiz.
Manzil: Samarqand shahri Abdurahmon Jomiy ko'chasi, 64-uy.

Jomboy tumanida xususiy amaliyot bilan shug'ullanuvchi notarius Mamatqulov Otobek Bolbekovich notarial idorasida marhum Dovurov Mardan Xolbayevichga (2020-yil 13-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Mamatqulov Otobek Bolbekovich notarial idorasiga murojaat etishlarini so'raymiz.
Manzil: Jomboy tumani Saroy ko'chasi, 15-uy.

Payariq tumanida xususiy amaliyot bilan shug'ullanuvchi notarius Ashurova Dilafuz Ziyodullayevna notarial idorasida marhum Mardiyeva Shoirra Merganbayevnaga (2022-yil 1-iyulda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Ashurova Dilafuz Ziyodullayevna notarial idorasiga murojaat etishlarini so'raymiz.
Manzil: Payariq tumani Chelak shaharchasi, Istiqlol ko'chasi, 110-uy.

BEKOR QILINADI
Past Darg'om tumanidagi "EKSKLYUZIV UYALI ALOQA SERVIS" xususiy korxonasi (STIR: 303107069) dumaloq muhri va burchak tamg'asi yo'qolganligi sababli bekor qilinadi.

Nurobod tumanidagi "ASILBEK NURBU-LOQ SAVDO" mas'uliyati cheklangan jamiyatining (STIR: 307215730) dumaloq muhri va burchak tamg'asi yo'qolganligi sababli bekor qilinadi.

Milliy o'yinlar xalq madaniyati va san'atining ajralmas bo'lagi, yoshlarni tarbiyalash va jamiyatdagi o'rnini topishida muhim ahamiyat kasb etadi. Yurtimizda tarixan juda ko'p milliy xalq o'yinlari bo'lgan va ular avlod-dan avlodga o'tib kelgan.

KALQ O'YINLARI VA MILLIY SPORT TURLARI - QADRIYATLARIMIZ TIMSOLI



kurash", "Ko'pkari", "Lanka", "Arqon tortish", "Chillak" va boshqa shu kabi xalq o'yinlari ko'rinishiga kelib, yoshlarning sevimli mashg'uloti va musobaqalariga aylangan.

o'shuvchi maktabgacha ta'lim muassasalari jismoniy tarbiya yo'riqchi-uslubchilari hamda umumta'lim maktablari jismoniy tarbiya o'qituvchilariga "Harakatli o'yinlarni o'qitish uslubiyati" fani bo'yicha amaliy va nazariy mashg'ulotlar tashkil qilingan.

ida kurash sport turining kiritilishi milliy sport turiga qaratilayotgan e'tibor natijasidir. Hozirda viloyatda kurash bilan shug'ullanadiganlar soni 2700 nafardan ortiq bo'lib, sportchilar o'tgan yil xalqaro va respublika musobaqalarida 15 ta oltin, 21 ta kumush, 49 ta bronza medalni qo'lga kiritdi.

Belbog'li kurash bo'yicha Samarqandda 7 nafar murabbiy qo'l ostida 70 nafardan ortiq sportchi shug'ullanadi. Ularning 8 nafari O'zbekiston terma jamoasi a'zosi.

Viloyatda o'zbek jang san'ati bo'yicha 2500 nafar sportchi shug'ullanadi. Ularning 200 nafariga yaqini qora belbog' sohibi, 20 dan ortiq'i jahon chempioni, 100 nafari O'zbekiston chempioni, 30 nafari sport ustasi, 150 nafariga yaqini sport ustaligiga nomzod va 3 nafari davlat mukofoti sohibi.

Viloyatda ot sporti (uloq-ko'pkari)ni rivojlantirish borasidagi ishlar ham e'tiborga molik. Birgina 2022-yilda viloyatda 50 dan ziyod viloyat, O'zbekiston chempionati hamda xalqaro turnirlar o'tkazildi. Jomboy tumanidagi "Qoraqasmoq" otchoparida uloq-ko'pkari musobaqasida yurtimizning turli hududlaridan, shuningdek, Qozog'iston va Qirg'iziston davlatlaridan chavandozlar ishtirok etdi.

Hamroqul ROFIYEV, Jismoniy tarbiya va sport mutaxassislarining malakasini oshirish instituti Samarqand filialli professori.

Mahmud Qoshg'ariyning "Devoni lug'otit turk" asarida 150 ga yaqin milliy o'yinlar va 20 dan ortiq bolalar o'yini tavsif qilingan. Jumladan, "qorag'uni" (qorong'ida qo'rg'on olish), "bandol" (asir olish), "o'tish-o'tish" (davra o'yini), "chavgon" (to'p o'yini), "o't bandal" (tayoq o'yini), qilichbozlik, nayzadorlik haqida ma'lumot beriladi.

O'g'il bolalar "Chillak", "Tortishmachoq" ni yaxshi ko'rsa, qizlar "Supur-supur", "Oq terakmi-ko'k terak", "Happak tosh" kabilariga qiziqqan. O'yinlarga e'tibor bersangiz, hammasi ham harakatdan yoki jismoniy va aqliy mehnatdan iborat.

Vaqt o'tishi bilan bu harakatlar takomillashib borgan. "Tosh ko'tarish", "Ot ustida

Tabiat taqvimining Yangi yili

Sharqda Navro'z bayrami 21-mart - tabiat uyg'onayotganda, kun tun bilan tenglashganda, yangilanish barqurganda nishonlanadi. Sababi, shu kuni yangi Quyosh tug'iladi, Yer uyg'onadi.

Navro'zni bayram sifatida nishonlash insoniyatning eng qadimgi, dehqonlar orasida Quyoshga sig'inish endigina paydo bo'la boshlagan davrga borib taqaladi. Manbalarda keltirilishicha, miloddan avvalgi 648-330-yillarda ahamoniylar saltanatida Navro'z zardushtiylikning diniy bayrami maqomini olgan.



BMT 21-MARTNI "XALQARO NAVRO'Z KUNI" DEB E'LON QILGAN

Navro'z madaniy xilma-xillik va xalqlar, turli jamiyatlar o'rtasidagi do'stlikni targ'ib qilganligi sababli uni nishonlash UNESCO mandatiga mos deb topilgan.

Xususan, 2003-yilgi Nomoddiy madaniy-merosni muhofaza qilish to'g'risidagi konvensiyaga muvofiq, 2009-yilda Navro'z insoniyatning nomoddiy-madaniy merosining Reprezentativ ro'yxatiga kiritilgan.

2010-yilda BMT Bosh Assambleyasi rezolyutsiyasida 21-mart "Xalqaro Navro'z kuni" deb e'lon qilindi. Bu Navro'zni nishonlayotgan davlatlarning ushbu kun bilan bog'liq madaniyati va an'analarni saqlash hamda rivojlantirishga qaratilgan sa'y-harakatlarni olqishlaydi.

Navro'z yangi yil boshlanishi, davlat bayrami sifatida nafaqat O'zbekiston, balki Eron, Afg'oniston, Tojikiston, Qirg'iziston, Qozog'iston, Turkmaniston, Ozarbayjon, Albaniya, Iroq, Kurdistoni, Hindiston, Makedoniya, Turkiyada, Rossiyaning janubida - Tatariston, Boshqirdistonda keng nishonlanadi.

YAXSHILIK UFURGAN AN'ANALAR

Navro'zni nishonlash an'analari uning ko'p asrlik tarixi davomida deyarli o'zgarmagan. Barcha mamlakatlarda bayramga oldindan tayyorgorlik ko'riladi: uy, hovli va ko'chalarda umumiy tozalash ishlari bajariladi, ba'zi xalqlarda uyga gullagan daraxt novdalari qo'yiladi, yangi kiyim kiyiladi, bayramona milliy taomlar tayyorlanadi.

Qadimgi marosimga ko'ra, yangi yilda birinchi nihol hududning eng kekxa va hurmatli a'zosi tomonidan qadalladi. Shu kunlarda oqsoqol, ota-ona va ustozlar duosini olish juda muhim. Bu kunda odamlar bir-biridan mehri darig' tutmay, adovat va gina-kuduratni unutishga, bir-birining aybini kechirishga harakat qilishi kerak.

Navro'zda har bir qalb o'zining chin ildizlariga, tabiatga oshiqadi, yashil mayssa, o'rmalab chiqqan hasharotga quvonadi, butun qalbi bilan yashnayotgan hayotni sevadi. Olam esa gulga, iforga, zavqqa to'lib boraveradi.

Internet ma'lumotlari asosida G.XOLDUROVA tayyorladi.



SUMALAK SAYLI "DISKOTEKA" emas

Bahorni xalq sayillariz tasavvur qilish qiyin. Navro'z bayrami arafasida milliy urf-odatlarimiz, qadriyatlarimizni o'zida aks ettirgan tadbirlar tashkil etilishi an'anaga aylangan. Ulardan biri sumalak sayli.

Momolarimiz boshchiligidagi qo'ni-qo'shni, qarindosh-urug' birlashib, doshgozonlarda sumalak tayyorlashadi. Ma'lumki, mazkur bahar taomi uzoq vaqt pishiriladi. Bu vaqt davomida jarayonda ishtirok etayotganlar zerikib qolmasligi uchun o'yin-kulg'i qilishadi. Laparlari, o'lanlar aytiladi. Bu bilan kayvonilar og'izdan og'izga o'tib kelayotgan, tarbiyaviy ahamiyatga ega bo'lgan ashualarni yosh kelinlarga, qizlarga o'rgatadi. Bu yaxshi albatta, ammo...

yetmagan ayrim yoshlar jarayon davomida ba'zan yashirincha, goh ochiqchasiga spirtli ichimliklar iste'mol qilishadi. Natijada turli ko'ngilsizliklar kelib chiqadi. O'choqqa olov yoqish uchun o'tin topilmaganidan yo'l yoqa-laridagi tut yoki aholi tomorqalaridagi mevali daraxtlarni kesib, o'g'riliklar sodir etishadi. Bunday tadbirlar uyushtir-maslik to'g'risida maktab ma'muriyati tomonidan tilxatlar olinsa-da, farzandlarining ko'ngliga qarab, bu tadbir uchun uyining to'ridan joy berayotgan ota-onalar ham uchraydi.

Mahalla faollari va ota-onalar e'tiborli bo'lsa, yoshlar, xususan, talabalar va maktablarning yuqori sinf o'quvchilari o'z boshimchalik qilib, turli muammolarni keltirib chiqarishning oldi olingan bo'lardi.

Sitora RUSTAMOVA.

Mavro'z Bahor. Cho'qqilarda gulxanlar yoqib, Bahor keldi, gul bahor keldi. Navbahor kelganda ochdim ta'rifin aytmoqqa lab. Subhidam go'yoki yetishdi non ila qaymoqqa lab. Tong sahar soldim nazar tog'laru qirlar sari, Intizorlik birla cho'zdim shu lasi ofoqqa lab. Yonginamdan soy oqardi sho'x tarannum aylabon, Shodligimdan suv simirdim, tegdi, o, qirg'oqqa lab. Chiqqan erdim boqqa, ko'rdim, sho'x sabo siypab mayin, Bo'sa olgandek bosarkan g'unchayu yaproqqa lab. Otdi tong, ko'zdan yo'qoldi kavkabi g'ujg'on, vale, Neiloj, qo'ydim keyin shoxlardagi bodroqqa lab. Lolalardan chamberak qilmoqni etdim ixtiyor, Ilkima oldim va tudtim lolaqizg'aldoqqa lab. Bir g'azal aytmoqchi bo'ldi vasfida Mav'ludakim, Shul sababdin ochdi barcha do'st ila o'rtoqqa lab. Mavluda RO'ZIYEVA, Ishtixon tumani. Narzitosh YUSUPOVA, Samarqand shahri.

Navro'zni qanday taomlar bilan kutib olamiz?

Navro'zning an'anaviy taomi sumalak mahallalarda, qarindoshlar davrasida va qo'shnilar bilan tayyorlanadi. Vitaminga boy, tansiq taom sanaluvchi sumalak o'stirilgan bug'doy, un va o'simlik yog'idan bir sutka davomida pishiriladi. Urf-odatlariga ko'ra, unga tosh yoki yong'oq solinadi. Keksalari yoshlarga "Niyat qilib, tosh sol", deyishadi, aslida tosh sumalak tagiga olmasligi (kuymasligi) uchun solinadi va to'xtovsiz kovlab turiladi.



bilan aytganda "ilik uzdi" holatlarini kuzatiladi. Yuqorida nomlari keltirilgan milliy taomlarimiz aslida shu maqsadda o'yab topilgan va ajdodlardan avlodlarga o'tib kelmoqda.

Yulduz SAMADOVA, Samarqand davlat universiteti talabasi.

SHU OYDA TAVALLUD TOPGANLAR. 18-MART: Buvigul BERDIYEVA - 1954-yilda Jomboy tumanida tug'ilgan. O'zbekiston Respublikasi xalq o'qituvchisi. 19-MART: Hoji MUIN Shukrullo o'g'li - (1883-1942) Samarqand shahrida tug'ilgan. Ma'rifatparvar shoir, jurnalist. 25-MART: Ahmad SHOYMURODOV - (1936-2020) Samarqandda tug'ilgan. Haykaltarosh. O'zbekistonda xizmat ko'rsatgan san'at arbobi.

MATBUOT UYI Zarafshon Самарқандский Вестник

MUASSIS: Samarqand viloyati hokimligi Bosh muharrir: Farmon TOSHEV. Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 17 731 nusxada chop etildi. Buyurtma 152. Hajmi 4 bosma taqob, bichimi A-2. Gazeta haftaning seshanba, payshanba va shanba kunlari chiqadi. QABULXONA: (66) 233-91-51, REKLAMA VA E'LONLAR: (66) 233-91-56 BO'LIMLAR: (66) 233-91-57, 233-91-58, 233-91-59, 233-91-61. MANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.

Gazeta «Zarafshon» tahririyatining kompyuter bo'limida sahifalandi. «Noshir lux» MCHJ bosmaxonasida chop etildi. Korxonalar manzili: Samarqand shahri, Spitamen ko'chasi, 270-uy. Bosishga topshirish vaqti: soat 18:30 da. Bosishga topshirildi: soat 19:00

Navbatchi muharrir: G'.HASANOV. Navbatchi: S.MARDIYEV. Sahifalovchi: B.ABDULLAYEV. ISSN-201667X. 9 772010 667009. Saytimizga o'tish uchun QR-kodni telefoningiz orqali skaner qiling. Soatuvda narxi kelishilgan holda